



# education

---

Department:  
Education  
**REPUBLIC OF SOUTH AFRICA**

**NATIONAL  
SENIOR CERTIFICATE  
EXAMINATION**

**GRADE 10**

**SETSWANA PUOTLALELETSO YA NTLHA**

**PAMPIRI YA NTLHA**

**MADUO: 75**

**NAKO: 2 diura**

**This question paper consists of 8 pages.**


**118 1 F**

**DITAELO:**

- Araba dipotso TSOTLHE.
- Karolo nngwe le nngwe e simololwe mo tsebeng e ntšhwa mme kwa bokhutlong jwa karolo moithuti a thalele.
- 
- Tlogela mola mo magareng a dikarabo tsa gago.
- Kwala sentle ka mokwalo o o buisegang.
- Tlhokomela mopeleto le popego ya dipolelo.

**KAROLO YA A****TEKATLHALOGANYO****POTSO 1**

- 1.1 Sekaseka setshwantsho se se fa tlase mme o arabe dipotso tse di latelang ka ga sona:



- |       |  |     |
|-------|--|-----|
| 1.1.1 | Neela leina la mme yo o tthagisitsweng mo setshwantshong se se fa godimo.  | (2) |
| 1.1.2 | Maemo a gagwe mo setšhabeng ke afe?  | (2) |
| 1.1.3 | Molao o kganela bana ba dingwaga dife go reka motsoko kgotsa bojalwa mo mabenkeleng?   | (1) |
| 1.1.4 | Ke bolwetse bofe jo bo tiholwang ke go goga motsoko phetelela?   | (1) |
| 1.1.5 | Neela letshwao le le lengwe la bolwetse joo / o bona jang gore motho o tshwerwe ke bolwetse jo?  | (2) |
| 1.1.6 | Motho yo o ineetseng mo nnotaging mme a palelwa ke go e tlogela a ka romelwa kwa mokgathong ofe go bona thuso?   | (1) |
| 1.1.7 | Ke bolwetse bofe gape jo bo gaitseng matshelo a batho mono Aforika Borwa?  | (1) |
| 1.1.8 | Neela mekgwa e MEBEDI fela e bolwetse jo bo ka fetelelang mo mothong yo mongwe ka yona.  | (4) |
| 1.1.9 | Ke tsela efe e e sireletsegileng e motho o ka thibelang tshwaetso ya bolwetse jo ka yona?  | (1) |
| 1.2   | <p>Buisa temana ka ga kotsi ya motsoko mme morago o arabe dipotso tse di latelang:</p> <p>Rre Keitheng e ne e le rre yo o neng a rata ‘ lapa la gagwe thata. A le direla sengwe le sengwe se a tshwanetseng go le se direla. Bothata jwa gagwe bo ne bo le bosii fela. O ne a rata go goga motsoko. O ne a goga pakana letsatsi le letsatsi. Bana ba gagwe ba ne ba leka go mo rotloetsa go tlogela go goga. Matsapa fela! Bogajana jwa teng ga o re o a mo thiba gore a se goge. Ditlhatswana tsa gagwe di ne di ka go itaya pelo. Matshediso mogatse o ne a re ka re “O tla go lwatsa ” ya nna matsapa a bophiri. Moeka a nne a moma letlharapa mo molomong wa gagwe. Mosi ya nna kojana ya leru le lesweu mo sefatlhegong sa gagwe.</p> |     |

Sengwe le sengwe sa gagwe se ne se nka motsoko. Fa a ntse a gola, bothata ba tsena. Khemo ya gagwe ya nna thata. Mowa a o gogela botennyana teng. Ngaka ya re mafatla a gagwe a fedile. A feditswe ke motsoko. Bothata jwa pelo jwa tsena. Ngaka ya mo elets a go tlogela go goga. Matsapa othe a, a itaya sefollitse. Ka ngwaga e le legonnyana, tsa nne tsa fela. A iphitlhela a na le bothata jo bogolo. Madi ga a taboge sentle mo mmejaneng wa gagwe. Tlhaloganyo ga e sa tlhole e dira sentle, e a lathega. O nna a ntse a idibala. Dintho ga di fole ka ntlha ya madi a a sa tsamaeng sentle, le fa go ntse jalo go thata gore a tlogele go goga. Go gotlholo gone, o ne a gotlholo gore o mo utlwele botlhoko. Phešwana nngwe le nngwe e feta ka ena. O ne a fiwa dikeletso gore fa a batla go tlogela a dire dilo tse di latelang:

A leke go fokotsa motsoko o a o gogang letsatsi le letsatsi. A se tshole motsoko gongwe le gongwe kwa a yang teng. A lebelele gore fa a ka leka go fokotsa, o goga motsoko o kana kang letsatsi le letsatsi. A ipeelee nako gore o tla bo a tlogetse leng go goga gotlhelele.

### **Setswana Tota, M.C. Tlhabanelo**

#### **DIPOTSO**

- 1.2.1 O ka fokotsa jang ke go tshwarwa ke malwetse a pelo? (1)
- 1.2.2 Naya malwetse a le MABEDI a a gakadiwang ke go goga. (2)
- 1.2.3 O ka tlogela jang go goga? Tlhopho karabo e le nosi.
- 1.2.3.1 Tlogela gangwe fela.
- 1.2.3.2 Fokotsa palo ya metsoko e o e gogang letsatsi le letsatsi (1)
- 1.2.4 Tota batho ba gogelang motsoko? (2)
- 1.2.5 Goreng rre Keitheng a ne a sa kgone go tlogela go goga? (2)
- 1.2.6 Kwala mabaka a le MARARO a a ka go kgontshang go tlogela go goga. (3)
- 1.2.7 Tlhalosa maele a a latelang:
- 1.2.7.1 Go itaya pelo. (2)
- 1.2.7.2 Go itaya sefollitse. (2)

**MADUO A KAROLO YA A: [30]**

**KAROLO YA B****TSHOSOBANYO****POTSO 2**

Buisa temana e, mme morago o e sosobanye ka dintlha di le SUPA mme bokao bo sa fetoge.

Maikutlo a gagwe a kukega gape. “Gompieno gone, fa Karabo a sa reka motlakase o tla lala ka tlala. Fa motlakase o se teng ke thusegile e bile ke lapisitswe ke go nna lelata la ntlo e.” A leba kwa phaposing e nnye ya boitapoloso. Mo tafoleng e tshekeletsa, e e fa morago ga lobati a bona karata e tshetlha, e le karata ya motlakase. A kgwa manxa. A e sukunyetsa mo lerobeng le le leng mo lebokosong la motlakase. Ya raga ka bonako ya mo sala morago. “Ke e lekile gabedi jaanong ke e leka la bofelo, fa e ka ntshala morago, ke a tlogela gonne ga ke batle go ipolaya, ke sa le monnye, nna Segomotso wa ga MmaKgomotso.”

A leba setshwantsho se se mo leboteng sebakanyana. E le setshwantsho se segolo se se takilweng. A apere mosese o mosweu wa gagwe wa lenyalo. Ena le monna wa gagwe ba tshwaragane ka mabogo. Go rena boitumelo jo bogolo mo difatlhegong tsa banyalani. A gakologelwa mafoko ao bagolo ba neng ba ba laya ka ona letsatsi la tseo ya gagwe.

“Ke ipotsa gore, a go utlwile nna ke le nosi. A yo mongwe ena ke thuntsebe, kampo o ne a ithaya a re go tewa nna.

Banna ba tshwanetse go fetoga le dinako. Ba tshwanetse go itse gore rona ba segompieno ga re dumele mo seaneng se se reng monna ke selepe o a adimisanwa. Fa motho a lapile a tsamae. Ga se botubi ke karolo ya botshelo.”

Mogala wa lela. A retologa mosetsanyana yo motshwana, yo moleele jaaka letlhaka la thite. Motho wa matlho a makima, a namane, nko e le lenono e eme fa gare ga maramana a mabedi a a boretherethe.

“Hello!” fa a se na go utlwa gore ke lentswe la ga mang, a o tlerébanya fa fatshe ka maikaelelo.

**ITHUTENG SETSWANA:**

**MADUO A KAROLO YA B: 10**

**KAROLO YA C****TIRISO YA PUO****POTSO 3**

3.1 Buisa temana e e latelang mme morago o arabe dipotso:

MAMA AFERIKA O TSHWARA DINGWAGA DI LE MASOME -A- SUPA

**Kgeleke ya mmino**

Mirriam Makeba o sa tswa go tshwara dingwaga di le masome - a- supa. Ke mongwe wa bagaka ba ba tumileng thata mo nageng ya rona ka mmino. Serodumo sa gagwe se itsege le kwa dinageng tsa moseja. Alf Khumalo o ne a mo akgolela tiro e a e diretseng naga ya rona ya Aforika Borwa. Alf Khumalo ke komang - ka -nna wa botshwantshi. Mirriam o diretse naga ya Aforika Borwa go gaisa ka mokgwa o batho ba bantsi ba dirang ka teng. Mirriam o ne a tlhama dipina ka bagaka ba dipolotiki jaaka bo-Oliver Tambo, Nelson Mandela le bo-Sisulu bao ka nako eo ba neng ba le kwa kgolegelong. Mmuso wa basweu wa tlhalele o ne wa simolola go mo tshwenya mme wa mo iletsa go nna moagi wa Aforika Borwa.

MaAforika Borwa a le mantsi a ne a nna le ena kwa Amerika. Ka thuso ya gagwe bontsi jwa MaAforika Borwa bo ne bo bona mafulo a matala kwa nageng ya bojaki. O ne a gapeletswa ke puso ya tlhalele go nna kwa moseja morago ga go tsaya karolo mo pontshong ya mmino ya King Kong. Morago ga moo, o ne a nna le maitemogelo a a tseneletseng a dipolotiki. O ne jaanong a simolola go tlhama dipina tse di kगतलhanong le puso ya kgatelelo. Phataphata ke nngwe ya dipina tsa gagwe tse di santseng di tlhagelela ka magetla.


**E nopotswe go tswa go The Star ya 4 Mopitlwe 2002****DIPOTSO**

- |       |   |     |
|-------|---|-----|
| 3.1.1 | Goreng mokwadi a dirisitse ditlhaka tse dikgolo go kwala setlhogo sa temana?                              | (2) |
| 3.1.2 | Polelwana e e kwadilweng ka bontsho yona e kaya eng?  | (2) |
| 3.1.3 | Nopola go tswa mo temeng dintlha tse PEDI tse di tlhagisiwang ke mokwadi ka ga Mirriam le mmino wa gagwe. | (2) |

- 3.1.4 Boela gape o nople kakanyo ya ga Alf Khumalo ka ga Mirriam. (1)
- 3.1.5 Inola go tswa mo temeng dipolelwana tse di tshalosiwang ke mabolelo a a latelang:
- (a) Ntlwana tshwana. (1)
- (b) Botshelo jo bo botoka. (1)
- (c) Naga ya boeng. (1)
- 3.2 Dirisa dikarolo tse di latelang tsa puo mo dipolelong tsa gago tse di tlabosang:
- 3.2.1 thata (2)
- 3.2.2 ya rona (2)
- 3.2.3 ka mmino (2)
- 3.3 Tlhalosa gore ke dikapuo dife tse di dirisitsweng mo dipolelong tse di latelang:
- 3.3.1 Alf Khumalo ke komang - ka - nna wa ditshwantsho. (1)
- 3.3.2 O ne a tlhama dipina ka bagaka ba dipolotiki jaaka bo-Oliver Tambo. (1)
- 3.4 Kwalola polelo e e latelang mme o e simolole ka mafoko a a thalatsweng.
- 3.4.1 O ne a gapeletswa ke puso ya tlhalele go nna kwa moseja. (2)
- 3.5 Dirisa maemedi boemong jwa maina a a thalatsweng.
- 3.5.1 Oliver Tambo, Nelson Mandela le bo-Sisulu bao ka nako eo ba neng ba le kwa kgolegolong. (1)
- 3.6 Masupi ke ao a a latela, a dirise mo dipolelong tse di tlabosang:
- 3.6.1 ba (2)
- 3.6.2 eo (2)
- 3.7 Sekaseka setshwantsho se se fa tlase mme o arabe dipotso:



# GORENG TSHO TLAKO E E KANA?



**E nopotswe go tswa mo go Matlhasedi, Mojaki M le Kelebile**

## DIPOTSO:

- 3.7.1 Goreng setlhogo sa setshwantsho se se kwadilwe ka dithaka tse dikgolo tse di ntshofaditsweng. (2)
- 3.7.2 A ditiragalo tsa setshwantsho di tsamaelana le setlhogo? Tlhalosa karabo ya gago. (2)
- 3.7.3 Monna yo o gogwang o tsalana jang le mosadi yo o oleng? (2)
- 3.7.4 Tshotlako e e bonwang mo setshwantshong ke nngwe ya ditshotlako tsa mmele. Naya sekao sa tshotlako ya maikutlo. (2)
- 3.7.5 Ke eng se se ka dirwang go thibela tshotlako e e bonwang mo setshwantshong? (2)

**MADUO A KAROLO YA C: [35]**

**PALOGOTLHE: 75**





# education

---

Department:  
Education  
**REPUBLIC OF SOUTH AFRICA**

**NATIONAL  
SENIOR CERTIFICATE  
EXAMINATION**

**GRADE 10**

**SETSWANA PUOTLALELETSO YA NTLHA**

**PAMPIRI YA BORARO**

**MADUO: 100**

**NAKO: 3 diura**

**This question paper consists of 7 pages.**

**118 3 F**

**DITAELO:**

Pampiri e, e arotswe ka dikarolo di le **NNE** e leng A, B, C le D.

KAROLO YA A: Tlhamo (50)

KAROLO YA B: Ditlhangwa tse dileele tsa tirisano gammogo le ditlhangwa tse di dirisang mekgwa e e farologaneng ya tlhaeletsano (karolwana e le nngwe (30)

KAROLO YA C: Ditlhangwa tse dikhutshwane tsa tirisano (10)

KAROLO YA D: Ditlhangwa tsa tshupetso / tshedimosetso / pono / gammogo le ditlhangwa tse di dirisang mekgwa e e farologaneng ya tlhaeletsano (10)

1. Baithuti ba tshwanetse go araba potso e le NNGWE go tswa mo go Karolo ya A, Karolo ya B, Karolo ya C le Karolo ya D.
2. Karolo nngwe le nngwe e simololwe mo tsebeng e ntšhwa mme kwa bokhutlong jwa Karolo moithuti a thalele.
3. Tlogela mola mo magareng a dikarabo tsa gago.
4. Kwala sentle ka mokwalo o o buisegang.
5. Tlhokomela mopeleto le popego ya dipolelo.
6. Baithuti ba tla abelwa maduo a go dira lenane la thulaganyo le go tsereganya tiro ya bona pele ba kwala.

**KAROLO YA****TLHAMO****POTSO 1**

Kwala tlhamo ya boleele jwa mafoko a a ka nnang kana ka 200 – 250 ka ga **NNGWE** fela ya ditlhogo tse di latelang kgotsa ditshwantsho tse di neilweng. Fa o dirisa setshwantsho go kwala tlhamo se neele setlhogo.

1. Ditshwantsho tse di latelang di bontsha balwela kgololosego ba le bane ba Aforika Borwa. Itlhophele a le mongwe fela mme o kwale tlhamo ka ga ena.

**Oliver Tambo****Walter Sisulu****Nelson Mandela****Steve Biko**

2. Neela tiragalo e e tlhagelelang mo setshwantshong se se ka fa tlase. Kwala tlhamo ka se o se itemogelang mo setshwantshong mme o neele tlhamo ya gago setlhogo.



3. Fa ba ka ntlhopha go nna moeteledipele wa baithuti.
4. Tlota ka moo o ka dirang ka gona go kgobokanya madi a go tshwara motantsho wa materiki mo bokhutlong jwa tigelo ya ngwaga wa gago wa dithuto.
5. Molao wa Aforika Borwa o letlelela basadi ba ba nyetsweng go lemolola. Bolela gore a go lemolola go siame kgotsa nnyaya.
6. Dintsho tsa segologolo di gaisa tsa segompieno.

**MADUO A KAROLO YA A: 50**  
**PALOGOTLHE: 50**


## KAROLO YA B

### SETLHANGWA SE SELEELE SA TIRISANO

#### POTSO 2

Araba potso e le **NNGWE** fela mo karolong ya B. Karabo e nne boleele jwa mafoko a a ka nnang kana ka 120 – 150 (diteng fela).

1. Sekaseka setshwantsho se se latelang mme morago o kwalele Lefapha la Boitekanelo **lekwalo** la ngongorego



**KGOTSA**




2. Kwala **lenane le metsotso ya kopano** e mo go yona go neng go buisanwa ka ga morutabana yo o sa tseeng tiro ya gagwe tsia.

**KGOTSA**

3. Nkokoago yo o agileng kwa ga Moseitlha o tlhokafetse. Ba losika ba go kopile go dira tsa thulaganyo ya phitlho. Kwala tsa botshelo jwa moswi.

**KGOTSA**

4. Lebelela setshwantsho se se latelang, mme morago o kwale pegelo o ikaegile ka setshwantsho



**MADUO A KAROLO YA B: 1 x 30 [30]**

**PALOGOTLHE: 30**

**KAROLO YA C****DITLHANGWA TSE DIKHUTSHWANE TSA TIRISANO****POTSO 3**

Araba potso e le **NNGWE** fela mo karolong ya C. Karabo e nne boleele jwa mafoko a a ka nnang kana ka 80 – 100.

1. O ne o ile kwa khomforenseng ya boditšhabatšhaba e mo go yona go neng go buiwa ka bolwetse jwa lebolelamading. Kwala **bukatsatsi** e mo go yona o tlhagisang tse di neng di diragala mo malatsing a le supa.

**KGOTSA**

2. Kgaitradio o apara purapura ya kwa Unibesithi ya Bokone. Kwala **taletso** e mo go yona o laletsang ditsala tsa gago go tla kwa moletlong wa ga kgaitradio.

**KGOTSA**

3. O kopile tiro ya letogo kwa lebenkeleng la “Woolworths” go dira ka mafelo mangwe le mangwe a beke le ka malatsi a boikhutso, maikaelelo e le go kokoanya madi a go tswelletsa dithuto mo ngwageng o o tlang. O lopilwe go tla potsotherisanong e e tlatshwarwang kwa dikantorongdikgolo tsa Tshwane, Lwetse a tlhola malatsi a le lesome le botlhano. Ba kwalele fekele o ba itsise gore o tla nna teng mo potsotherisanong eo.

**MADUO A KAROLO YA C: [10]**

**KAROLO YA D****DITLHANGWA TSA TSHUPETSO / TSHEDIMOSSETSO / PONO / LE DITLHANGWA TSE DI DIRISANG MEKGWA E E FAROLOGANENG YA TLHAELETSANO****POTSO 4**

Araba potso e le **NNGWE** fela mo Karolong ya D. Karabo e nne boleele jwa mafoko a a ka nnang kana ka 80 – 100.

1. Kwala kitsiso e e tla phatlhaladiwang, e mo go yona go lalediwang baagi go tla go ngongorega ka motlakase o o timiwang gangwe le gape segolobogolo mo dinakong tsa mariga.

**KGOTSA**

2. Tlhagisa phousetara ya diritibatsi e mo go yona o leng kgatlhanong le tiriso ya diritibatsi mo bašweng.

**KGOTSA**

3. Ga o bolo go kgaogana le malomaago bogologolo mme jaaka e le moja ditlhogo o tshwanetse go nna teng mo patlong ya setlogolo sa gagwe mo nakong ya dibeke di le pedi. Mo thalele tsela e a tshwanetseng go e dirisa go fitlha kwa gaeno

**KGOTSA**

4. O na le kgwebo e mo go yona o leng Motsamaisa mogolo yo o rutang bosetlabošane go kgweetsa koloi. Ba laele dikgato tse ba tshwanetseng go di tsaya go fitlhelela maikaelelo a bona a go kgweetsa.

**MADUO A KAROLO YA D: [10]**  
**PALOGOTLHE: 100**